

 KEMENTERIAN KESIHATAN MALAYSIA INSTITUT PENYELIDIKAN SISTEM KESIHATAN	LAMPIRAN B GARIS PANDUAN PENYERTAAN PERTANDINGAN PROJEK QA KATEGORI LISAN
--	--

SYARAT-SYARAT UMUM

1. Pertandingan ini terbuka kepada semua negeri/program/institusi/universiti/sektor kesihatan swasta di Malaysia.
2. Kelayakan projek untuk menyertai **pembentangan lisan** adalah berdasarkan kriteria berikut:
 - 2.1 Ia adalah projek penambahbaikan kualiti yang menggunakan pendekatan *Quality Assurance / Quality Improvement*.
 - 2.2 Projek penambahbaikan kualiti yang lengkap (selesai dijalankan/dilaksanakan) yang:
 - a) **Belum pernah dipertandingkan dan/atau memenangi** (tempat pertama, kedua, ketiga atau sebarang anugerah) dalam Konvensyen QA Kebangsaan yang lepas sama ada kategori lisan atau poster; atau
 - b) **Belum pernah memenangi** (tempat pertama, kedua, ketiga atau sebarang anugerah) dalam mana-mana konvensyen/seminar/pertandingan/persidangan di peringkat kebangsaan dalam kategori lisan atau poster; atau
 - c) **Belum pernah** atau **bukan** dalam persediaan untuk **dibentangkan** dalam mana-mana konvensyen/seminar/pertandingan/persidangan di peringkat antarabangsa sebelum tarikh Konvensyen QA Kebangsaan 2026.
 - 2.3 Projek yang didapati melanggar mana-mana syarat di atas akan dibatalkan penyertaan dan pihak urus setia berhak menarik balik sebarang anugerah yang telah diberikan.
3. Bahan projek (abstrak, slaid dan video pembentangan) boleh disediakan dalam bahasa Melayu atau bahasa Inggeris.
4. Had pencalonan: Maksimum **lima** pencalonan bagi setiap negeri/program/institusi/universiti/sektor kesihatan swasta.
 - 4.1 Pencalonan projek daripada program ialah projek-projek penambahbaikan kualiti yang dijalankan merentasi fasiliti (antara hospital dengan hospital dan/atau klinik kesihatan/institusi) sama ada dalam negeri yang sama atau melibatkan pelbagai negeri.
 - 4.2 Pencalonan perlu dipersetujui di peringkat jabatan/negeri/program. Borang persetujuan pencalonan projek QA perlu dimuat naik bersama-sama semasa pendaftaran.

LANGKAH-LANGKAH PENCALONAN

- 5 Pencalonan projek perlu dilengkapi dengan ketiga-tiga item berikut semasa pendaftaran dilakukan:
 - 5.1 **Borang Persetujuan (Lampiran A)**
 - 5.2 **Abstrak** projek mengikut format yang ditetapkan
 - 5.3 **Video pembentangan** mengikut format dan spesifikasi yang ditetapkan
- 6 Langkah-langkah untuk pencalonan projek (Rajah 1);

- 6.1 Daftar projek melalui laman sesawang rasmi Konvensyen QA Kebangsaan 2026: <https://qaconvention.nih.gov.my> bermula **9 Februari 2026 hingga 31 Mac 2026**. Pendaftaran selepas 31 Mac 2026 akan ditolak.
- 6.2 Muat turun borang persetujuan (Lampiran A) dan lengkapkan.
- 6.3 Sediakan abstrak projek dengan merujuk kepada Garis Panduan Penyediaan Abstrak Projek QA (Lampiran D) dan templat abstrak (Lampiran E1/E2).
- 6.4 Sediakan video pembentangan projek mengikut spesifikasi berikut:
 - a. Berdurasi tidak melebihi 15 minit.
 - b. Format MP4 sahaja.
 - c. Memastikan video dapat dimainkan.
 - d. Bahan video yang dihasilkan perlu mempunyai kualiti gambar dan audio yang baik serta jelas
 - e. Muat naik video di platform Google Drive dan sertakan pautan video semasa pendaftaran projek
- 6.5 Muat naik borang persetujuan, abstrak dan pautan video pembentangan ke <https://qaconvention.nih.gov.my> sebelum atau pada **31 Mac 2026**.

SARINGAN DAN PEMILIHAN PROJEK

7. Proses pemilihan projek yang akan bertanding di Konvensyen QA Kebangsaan adalah seperti berikut:
 - 7.1 Saringan **pertama** – saringan **abstrak** oleh urus setia.
 - 7.2 Saringan **kedua** – saringan **abstrak** dan **video** pembentangan projek oleh hakim yang dilantik. Hakim akan memberikan maklumbalas bertulis kepada projek-projek yang disaring, jika berkenaan.
 - 7.3 Pemakluman keputusan saringan kedua bagi projek layak bertanding dalam Konvensyen QA Kebangsaan Kali Ke-13, 2026 selewat-lewatnya pada **13 Mei 2026**.
 - 7.4 **Maksimum 25** projek bagi kategori lisan akan dipilih daripada saringan kedua untuk dipertandingkan di Konvensyen QA Kebangsaan kali Ke-13, 2026.

PROSES LANJUT BAGI PROJEK YANG TERPILIH

8. Abstrak bagi projek yang melepasi saringan kedua akan melalui proses semakan. Pihak penulis perlulah memberikan kerjasama penuh dalam proses penambahbaikan abstrak.
9. Semua projek yang terpilih untuk bertanding dalam Konvensyen QA Kebangsaan Kali Ke-13, 2026 perlu menghantar perkara berikut melalui laman sesawang <https://qaconvention.nih.gov.my>. Jumlah saiz fail yang dimuat naik hendaklah tidak melebihi 100MB.
 - 9.1 *Write-up* projek menggunakan templat (rujuk Lampiran E1/E2) dan berpandukan garis panduan (rujuk Lampiran D) sebelum **11 Ogos 2026**.
 - 9.2 *Soft copy* pembentangan dalam format PowerPoint version 97-2003 (.ppt) sebelum atau pada **18 Ogos 2026**. Video dan animasi adalah dibenarkan di dalam pembentangan. **Sebarang perubahan adalah tidak dibenarkan** selepas tarikh yang ditetapkan.

HAK MILIK BAHAN PEMBENTANGAN

10. Abstrak, video saringan, *write-up* dan slaid pembentangan yang dihantar untuk penyertaan konvensyen ini akan menjadi hak milik pihak penganjur dan boleh digunapakai untuk tujuan latihan atau perkongsian dalam mana-mana platform. Penghantaran projek untuk penyertaan dalam konvensyen ini bermaksud semua penulis bersetuju dengan syarat ini.

PEMBENTANGAN SEMASA HARI KONVENSYEN

11. Garis panduan **pembentangan lisan** semasa konvensyen:

- 11.1 Hanya seorang pembentang sahaja dibenarkan bagi setiap projek.
- 11.2 Pembentangan adalah mengikut giliran yang telah ditetapkan. Masa pembentangan adalah 15 minit dan diikuti 5 minit sesi soal jawab. Pembentangan melebihi had masa tidak akan diambil kira dalam pemarkahan.
- 11.3 **Kriteria penghakiman** adalah seperti dalam Lampiran F.
- 11.4 Keputusan hakim adalah muktamad.

PERTANYAAN LANJUT


12. Sebarang pertanyaan lanjut, sila hubungi pihak penganjur melalui e-mel ataupun nombor telefon:

Pembentangan Lisan:

Dr. Nurhayati Shahrudin

(gasecretariat@moh.gov.my)

Tel: 03-3362 8539



Rajah 1: Carta alir pencalonan projek (kategori lisan) untuk Konvensyen QA Kebangsaan Kali ke-13, 2026